

Arkiv: <arkivID><jplD> FA-P00, HistSak-14/7628
JournalpostID:
Saksbehandlar:
Dato: 27.08.2020

Saksframlegg

Saksnr.	Utvalg	Møtedato
082/20	Alver formannskap	03.09.2020
	Alver kommunestyre	

Revidert selskapsavtale for Bergen og Omland Farvannsforvaltning IKS Rådmannen sitt framlegg til vedtak:

I samsvar med lov om interkommunale selskap av 29.01.1999 nr. 6 § 4, sluttar Alver kommune seg til framlagt forslag til revidert selskapsavtale for Bergen og Omland Farvannsforvaltning IKS, og innstiller for representantskapet å godkjenne forslaget.

Alver formannskap 03.09.2020:

Behandling:

Rådmannen sitt framlegg vart samrøystes vedteke.

FO- 082/20 Vedtak:

I samsvar med lov om interkommunale selskap av 29.01.1999 nr. 6 § 4, sluttar Alver kommune seg til framlagt forslag til revidert selskapsavtale for Bergen og Omland Farvannsforvaltning IKS, og innstiller for representantskapet å godkjenne forslaget.

Politisk handsaming

Saka skal til innstilling i formannskapet
Saka skal avgjerast i kommunestyret

Bakgrunn – kva saka gjeld

Bergen og Omland Farvannsforvaltning IKS blei stifta 12. april 2019. Selskapet skal utføre lovpålagte oppgåver og utøve forvaltningsmynde etter havne- og farvannslova. Dette inneber mellom anna å sørge for tryggleik og framkome i kommunen sine sjøområde. Som følge av gjennomførte kommunesamanslåingar i selskapet sine eigarkommunar, samt ny havne- og farvannslov frå 01.01.2020, er det nødvendig å revidere selskapsavtalen for Bergen og Omland Farvannsforvaltning IKS. Styret i Bergen og Omland Farvannsforvaltning IKS vedtok i møte den 21. april 2020 å revidere gjeldande selskapsavtale.

Beskriving av foreslåtte endringar

Selskapsnamn:

Det foreslått å endre selskapsnamnet til *Bergen Havn Farvannsforvaltning IKS* (Bergen Havn) i selskapsavtalens § 1. I all dagleg kommunikasjon vil ein nytte *Bergen Havn* som uttale på selskapet, domene for selskapet si heimeside og andre digitale plattformer, og Bergen Havn

har ein naturleg versjon på engelsk – *Port of Bergen*. Bergen Havn samsvarar med det uformelle selskapsnamnet som blir nytta i det daglige, og det er strategisk viktig at selskapet reindyrkar merkevara *Bergen Havn*. Av praktiske årsaker vil det vere ein fordel å endre namn for å unngå forveksling med Bergen og Omland Friluftsråd (BOF). Sjølv om ein tar bort namnet Bergen og omland, vil styret understreke at regionen og omlandet er viktigare enn nokon gong for Bergen Havn, og eit godt samarbeid og samvirke i regionen vil vere avgjerande for auka sjøtransport og aktivitet.

Eigarnamn og eigardel

Oppdatert oversikt over selskapet sine eigarkommunar, samt oppdatert og prosentvis eigardel i selskapet og fordeling av ansvar i samsvar med kommunesamanslåingar ligg i selskapsavtalen § 4.

Stemmerett, krav til deltaking og krav til fleirtal i representantskapet

Det blir foreslått at endringar av selskapsavtalen følgjer IKS-lovens § 4 tredje ledd, der det blir vedtatt av representantskapet med tilslutning frå meir enn to tredjedelar av stemmene som er representert. Dette byggjer på at fleirtalskravet for endringar i selskapsavtalen for BF IKS, som blir vedtatt av representantskapet, samsvarar med fleirtalskravet for vedtektsendringar i Bergen Havn AS - som blir vedtatt av generalforsamlinga.

Samansetting av styret

Som følge av kommunesamanslåingar er det færre eigarar, det er derfor behov for å justere samansetting av styret i selskapet for å spegle kommunane sin storleik (selskapsavtalens § 7)

Administrasjonens funksjon som sekretariat

Det blir foreslått å legge inn ei ny bestemming om administrasjonen sin funksjon som sekretariat i selskapsavtalens § 8. Det er behov for å synleggjere / tydeleggjere administrasjonen sin sekretariatfunksjon i samband med eigarprosessar, eksempelvis arbeid med endring av selskapsavtalen. Styret og eigarane kan nytte administrasjonen som sekretariat i sitt arbeid.

Signatur

Det blir foreslått å fjerne dagleg leiar si blankofullmakt i selskapsavtalen si signaturbestemming § 9.

Tilråding:

Rådmannen rår til at Alver kommune sluttar seg til revidert selskapsavtale for Bergen og Omland Farvannsforvaltning IKS slik den er lagt fram i saka.

Vedlegg i saken:

27.08.2020	Selskapsavtale for Bergen Havn Farvannsforvaltning IKS - sporbare endringer .PDF (L)(131992)	1436189
27.08.2020	Selskapsavtale for Bergen Havn Farvannsforvaltning - renskrevet versjon.PDF (L)(131993)	1436188